

民國二十二年五月份

浙江省輿論概況

中國國民黨浙江省執行委員會編印

浙江省輿論概況

民國二十二年五月份

目 錄

一、緒言

二、輿論概況

第一、省會區輿論概況

第二、杭嘉湖區輿論概況

第三、寧紹台區輿論概況

第四、金衢嚴區輿論概況

第五、溫處區輿論概況

三、通訊社概況

浙江省輿論概況 目錄

浙江省輿論概況 目錄

第一、省會通訊社概況

第二、各縣通訊社概況

四、結論

五、附錄

浙江省雜誌調查一覽表補遺

浙江省輿論概況

民國二十二年五月份

一、緒言

本月份本省各報紙及通訊社均無甚異動，無庸贅述。至報紙之內容方面，則有得而
言者，撮述如下：

1、各縣報紙每有互相轉抄之弊，如甲報某項新聞剪自滬報，而乙報又剪自甲報，甚而丙報又剪自乙報；然核其時間，相差往往有三五日以至八九日，此種紀載，實已失其新聞價值。以後各報轉載他報之新聞，應於時間上略加注意。

2、木刻標題，原為表示其新聞性質之重要。關於木刻之字，自應勿使錯漏。近查紹屬某報，某日有一木刻標題，竟將題內主要之美字，刻為一形似之英字，使閱者莫明其妙。不特木刻標題之原義為之喪失，反引起閱者對該報輕視之感。此後，各報應認真校對，以免魯魚亥豕之訛。

3、各縣報紙及省會某某等報之社會新聞，往往過於渲染；尤其對於男女之事，繪

影繪聲，惟恐其不肖，因而影響社會心理者實大。嗣後各報對於社會新聞之描寫，宜加注意，不應過事鋪張。

4、查有某報張數頗多，廣告亦殊不少，而新聞則反日減。且排版上應排新聞之地位，往往爲廣告所佔，使讀者有尋覓新聞之煩，因而引起不快之感。以後報紙之排版，於廣告與新聞之配搭，宜加注意。

5、各縣報紙，對於自身之立場，往往不知顧及。登載新聞，不問其利害如何，只求係一新聞，即予付印。此中影響，異常重大。如此次馮玉祥在察省之異動，在紀綱上言，爲背叛中央，標奇立異；在抗日軍事言，爲自亂陣容，分薄力量；其罪實可伸討。各報對於馮之舉措，雖不能不予刊載，而刊載之方法，極應斟酌，字句語氣，應加檢點；而且須略加貶抑，及指出其不當之處，始爲上乘。乃查紹屬某報，及甯屬某報，對馮事紀載，均屬失當，不特不能加以貶抑，及指出其不當之處。且用大字標題，一若此爲堂堂正正之大事也者。此等不明立場，不知利害之紀載，實堪抱憾！此後各報編輯，應

於每一新聞到手之際，先須用『新聞鼻』察其有無毒質，然後付刊，斷不可『有聞必錄』，否則影響所及，必於其報紙之本身，有重大之損失，此則切望本省報界同人，加意注意者也。

6、本省之通訊社，前以發稿者太少，或雖發稿而作輟不常，又或曾發稿而不送審查，凡此種種，於四月份本刊上經予指出。自此之後，各通訊社似已稍稍注意。五月份送到之通訊稿，已增加不少。且不常發稿之通訊社，亦竟陸續發稿，此則足證各通訊社同業，對於其事業，多不甘落後也。

二、輿論概況

第一、省會區輿論概況

五月份省會報館仍係八家，即：杭州民國日報，杭州國民新聞，浙江商報，浙江新聞，浙民日報，杭縣日報，之江日報，及杭州報是。本月份省會各報所注重之問題，爲：『五一』『五三』『五四』等五月紀念日，中東路，國貨運動，救濟農村，忠告粵方

中委，全省運動會，識字運動等是。又本月份省會各報，除杭州民國日報，國民新聞，浙江商報，浙民日報論評甚多外，杭縣日報及杭州報論評均甚少，之江日報及浙江新聞，本月并無評論。茲將各報輿論概況，分述于下：

(一)關於勞働節之評論 『五一』紀念日，爲世界著名紀念日之一，省會報館，均于是日停工，以資紀念。杭州民國日報是日并有『紀念五一節』社論一篇，茲將其『爲勞働者告』之兩點，摘錄于下：

我國社會經濟組織，與歐美懸殊。歐美各國，自產業革命而後，大生產工具集中，其國之資本案，遂得儘量壓迫勞働者，故勞資常相衝突。至於我國，機器工業尙未發達，國內亦無資本案，貿易及經濟權，悉操於外人之手。故今日欲開發實業，既需鉅額之資本，尤需多數之勞力，兩者和衷共濟，互相協調，方能求生產之發展。然以現狀觀之，國內工廠，常有勞資糾紛之事件，縱資方或不能體諒勞方之苦痛，而勞方亦或亦不免偷惰之惡習。此則我勞働界應深念者一也。

夫「五一」所揭櫫者，首爲八小時之工作。國內工廠尙未能達此標準，固爲事實。然今日世界經濟恐慌之潮流，方如狂濤怒捲，失業人數之多，每國輒數百萬。我國失業人數，雖乏統計，觀于近年實業之不振，可知必不在少。就個人言，今日勞動者有工作能維持其生活，較失業者已爲優裕；就社會言，則整個國家陷於民窮財盡之境，實無法謀勞動者生活之改造與安定。此則我勞動界所應深念者二也。

至國民新聞亦有勞動節與國難一文，不贅錄。

（二）關於濟南慘案之評論

對於五三慘案，杭州民國日報有『五三之創痛』，國民新聞有『五三之新體認』等兩文，均對『五三』有所發揮。杭州民國日報社論內，有促國人深省者兩點，頗有見地，其言曰：

吾人回憶過去之創痛，歷歷在目，猶有餘悸。然環顧國內，今日所遭遇者又何如？東三省三百餘萬方里之土地，三千餘萬之人民，淪陷于暴日，受其武力統治者，垂二十閱月。月餘以前，熱河又告失守，五十八萬方里之土地，頓成暴日軍隊牧馬之場，二百

餘萬之人民，悉受其驅使奴役。彼等呻吟呼號，訴苦無門，其慘其酷，殆千萬倍于濟南慘案。是則吾人無暇痛心往事，爲過去之國難致其哀悼，實當把握現在，爲今日之民族謀其出路，則國人所當深省者一也。

夫濟南慘案之原因，由於中國革命勢力之進展。中國一旦革命成功，則舊軍閥之統治權，掃數摧毀；日本企圖保持勢力範圍之迷夢，同歸幻滅。故倒行逆施，出以武力干涉之手段。此則國人多深識之。然國人不思患預防，寢假而釀成「九一八」之變，此則全國上下，不能或辭其咎。故濟南慘案，在日本之心目中，特小試其端，以探我國民族精神所能發揮之力量耳！國人應付國難，倘仍爲一時之憤怒，而不謀長期之抵抗，則不特四省失地，收復無期，凡我版圖，皆將爲日本蠶食鯨吞之地，世界雖大，將無中華民族安身之處，則國人所當深省者二也。

又國民新聞『五三之新體認』結論有云：

綜上所論，足證暴日侵略我國之企圖，不因『時』『空』限制而弛懈。而對於本黨

，則以其爲領導國民革命之政黨，尤欲隨時隨地予以威脅壓迫。「五三」慘案之肇始，卽爲此種威脅壓迫之見端。故我全國國民於此至可痛憤之紀念日，懷往惕今，尤宜深切體認：舍抗禦暴日則無民族生存之機；舍擁護中央亦無抗禦暴日之力。今日惟一自救之道，惟有全黨同志與全國同胞各矢精誠，共謀團結，奮發圖強，誓瀚國恥，苟能因此一念之堅，終獲驅倭寇而復失地，則「五三」殉國烈士之熱血，適爲我國家與民族異日無上光榮之代價，豈非最可寶貴之紀念方法，而勝於開會哀悼與貼標語發傳單者萬萬也哉？！云云，亦足喚起國人之迷夢也。

(三)關於『五四』紀念之評論 關於『五四』紀念，杭州國民新聞則有「如何紀念『五四』」一文，立言尙屬允當，茲錄於下：

「五四運動」，乃民國八年，由北大學生發動，而全國民衆響應。以打倒當時賣國賊曹汝霖陸宗輿章宗祥輩之一幕極光榮的史跡。其影響中國近年來之文化，政治，思想之大，實爲任何人所不能否認。

然而「五四運動」以後之進步又如何？論文化，豈非依然落伍？論政治，豈非依然混濁？論思想，豈非依然龐雜？以國土論，不二年而失却東北四省；以政治論，強有力之中央政府猶未建立；以經濟論，人民惟有顛沛流連，宣告破產；以學術論，則除偷竊抄襲稗販以外無他物；即以青年界之本身而論，舉凡一切浮動，囂張，萎靡，淫佚，苟且之風氣，不一而足，浸成固然。是則「五四」以後之進步如何？「五四運動」之價值安在？吾人值此「五四」第十四周年之今日，撫今思昔，試一評量，誠不覺感慨係之矣！

雖然，過去之光榮，固自有其可以不朽者在。際此內憂外患交迫之秋，吾人對以往之種種失敗，應作如何反省？對今後之種種方針，應有如何惕勉？記者不敏，不得不抉擇數端，乘此光榮之紀念日以爲吾敬愛之青年同志告：

愛國宜有目標，革命應有方向。無目標之愛國，是爲盲動；無方向之革命，是爲搗亂。盲動與搗亂，不惟不足以救國，且足以亡國也。故今後青年之愛國運動，應稍稍節制情感，多多使用理智，認清環境，顧到事實，不爲政客利用，不作官僚走狗，拿定目

標，確定方向，然後進而作有軌道之行動。此其一。

愛國是非常之事業，斷非專憑一時血氣，所謂「五分鐘之熱度」者所能奏效。吾人一遇內訌外患之來，唏噓消極固不宜，跋扈囂張更不可！吾人要沉着，要鎮定，要有剛的意志，要有沸的熱血，滿身之愛國情緒，要永久緊張，斷不可乘一時豪興，剎那間卽烟消雲散，反至貽譏中外，爲識者所齒冷，此其二。

學問爲救國之基礎。吾人如真欲救國，非具有絕大學問不可，以中國目前環境而論，於各項學問中，尤以研究自然科學爲重要。飛機，大砲，機關槍，坦克車之研造，以及製機器，修道路，造汽車……等等，均爲目前迫切之需要。青年如真欲有以貢獻國家，則舍埋頭作此一番刻苦研究工作，無其他報國之道。此其三。

健康，爲一切事業之母。無健康之身體，則一切之事業，俱成幻想。今吾國之一般青年，身體多「弱不禁風」，「形同枯槁」，而自行摧殘，毫不愛惜者，尤比比皆是。試問國家一旦事起，卽欲思其爲國效用，又將以何物應之哉？！故鍛鍊身體，振作精神，

實爲目前愛國青年之要着。此其四。

以上四項，雖屬老生常談，實爲現代青年一般之缺點。而補此缺點，亦卽爲今後愛國救國唯一之途徑。青年乎！「五四運動」既爲我青年界極光榮之紀念日，吾人欲保存過去之光榮，希望將來之光明，則守此四端行之，以努力於造成光輝之現在，而繼續發揚「五四」之精神於無窮，豈不懿歟！豈不懿歟！

(四)關於「五五」之評論 關於「五五」紀念，杭州民國日報有『紀念五五』國民新聞有『雙五節告同志同胞』等文。杭州民國日報『紀念五五』文中，有願國人振其自信心與堅其團結者二點，言尙切當，茲錄於下：

總理一生盡瘁革命，其就任非常大總統也，但爲其畢生事業之一端。當時精神上橫受阻抑，物質上倍感艱困，總理初不以此而自餒，始終抱持無妥協之堅強態度，與惡勢力相奮鬥。其心中目中，未嘗以成敗動其憂喜，而惟以救國家民族爲職志。乃今人動曰，吾輩抵抗敵軍，無充分之接濟，無新式之器械，先存畏難之念，安有勝利之望？今

日吾人紀念總理，切望國人認識總理精神之所寄，秉此精神以抗敵人，則雖不計成敗，而勝利可操左券。是則願國人振其自信心者一也。

革命政黨之成功，端在領袖之得人。以當時黨員精神之渙散，卒以總理領導之力，團結一致，以發揮革命力量。證之各國中興之史乘，亦莫不如此。土耳其在內憂外患方興之日，土地被人強佔，海口被人封鎖，國勢垂危，較今日之我國爲尤甚；然凱末爾領導其國民黨員，振其英烈，卒以奠定國基。意大利在大戰以後，經濟凋敝，共黨騷動，社會秩序，不克維持；然莫索里尼率其棒喝團員，發奮圖強，遂爾崛起歐陸。此與總理就任非常大總統，中外輝映。今日我國內困於共匪，外制於日本，國勢艱危，且逾往日。軍事委員長蔣介石氏，秉承總理遺志，負勦匪抗日之重任，而少數國人，意志尙未集中，力量遂感分散。今日吾人紀念總理，尤願國人堅其團結心者二也。

(五)關於『五九』之評論 關於『五九』紀念，國民新聞有『箴時局中之錯覺者』——『五九』紀念日之小貢獻——，浙江商報有『紀念五九』等文。茲將商報社

論之一節，摘錄於下：

今日紀念「五九」，吾人徒作形式上之紀念，於實際毫無補益，吾人須認清侵略壓迫之敵人。而如何挽救工商業凋敝之窘狀，如何復興農村經濟之崩潰，皆爲目前亟需要解決之問題。尤其以最近暴日片面宣傳，中日妥協；甚之更進一步有密約之說。吾人固信任政府，不致有上述荒謬之舉動。但鑒於「五九」袁世凱簽訂密約，至今成爲整個國家之恥辱。應如何奮勉，用事實消除此項謠諑，而進一步瀟雪以前之奇恥？！

(六)關於陳英士先生殉國紀念之評論 陳英士先生殉國紀念，杭州民國日報曾撰社論一篇，並舉三點，以爲國民黨同志告，其言云：

緬懷先生一生，對黨國貢獻至多，克復上海之役，爲辛亥革命成功之關鍵，而先生實主持之。當是時，武漢之義旗甫舉，清廷之餘威猶存，而先生獨能排除萬難，不稍退縮，艱難奮鬥，克底於成。及二次革命失敗以後，同志頹喪消極，勇氣銳減，先生獨能認清失敗原因，力助總理改組中華革命黨，凡黨內不革命之分子，既清除以去，黨之

組織遂復歸健全。故先生畢生努力革命，其精誠所寄，乃爲在艱難時力求出路，在失敗時不失勇氣，此則本黨同志所應資爲矜式者一也！

先生追隨 總理，於 總理訓示，或持異議，及既悟其非，則勿憚改過，其服從領袖之精神，爲當時任何同志所不及。夫革命者之行動，當以黨德黨紀爲基礎，先生實爲信守黨德黨紀最篤之一人。蓋黨爲集團之行動，惟以領袖之意志爲意志，此固黨人所已周知者。然今日黨德淪喪，黨紀敗壞，卽爲革命進行之最大障礙，舉世滔滔，不復措意，而國事前途，遂益危殆，此則本黨同志所應資爲矜式者又一也！

民五之際，袁賊世凱武力方張，先生由日返滬，主持長江沿海軍事，時中部同志，頗不諒先生之苦衷，在滬同志，復作個別之活動。故遂爲袁賊所乘，轉利用本黨叛徒以刺先生。惟先生常以成仁自勵，死生早置之度外；不成功卽成仁，爲先生夙昔之志願。然本黨同志，今日爭攘私利者有之，相持意氣者有之，以國事爲輕，以個人爲重，視先生「成仁取義，俯仰無愧」之精神，相去霄壤，此則本黨同志所應資爲矜式者又一也！

(七)關於『五卅』之評論 關於五卅紀念，浙江商報有紀念五卅一文，其中論五卅係帝國主義狎獮面目之暴露及中華民族之覺醒等，亦言之成理，茲錄於下：

原「五卅」慘案之爆發，乃帝國主義者侵略中國過程中之新方式。溯自八十餘年以來，帝國主義者不斷的積極侵略之結果，致陷中華民族於極痛苦之地位，經濟基礎之動搖，已成爲萬劫不復之慘狀。過去其侵略之方式，每因時制宜無所不用其極；如所謂瓜分，共管，門戶開放，利益均沾等，均視其本身之利益關係，而加以充分的實施。中華民族之基礎，遂於種種方式下，直接間接受其剝削；乃年來全國上下，頗能於極度壓迫下，發現其自覺心之表示。帝國主義者，因鑒於此項自覺性之存在，足以動搖其在東方之一切特殊利益，因之遂揭除其固有之假面具，實行殘酷的屠殺政策，而造成「五卅」大流血之慘案。此項慘案之發生，一面固暴露國際帝國主義者殘酷之面目，而另一方面，則顯示中國民族之覺醒，而成爲中華民族解放之先聲；且亦爲歷史上，最悲壯慘淡而又最偉大光榮之一頁。